



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiae Imperialis S. Maximini

Zyllesius, Nicolaus

Treveris, 1638

25. Henrici Tertij Imp. Dat. in Botuelt, Anno MLVI.

urn:nbn:de:hbz:466:1-14268

stem cartam hanc inde conscribi & Sigilli nostri impressione iussimus insigniri.

Signum Domni Heinrici Tertij Regis inuictissimi Romanorum Imperatoris Augusti. Winitherius Cancellarius vice Liutboldi Archicancellarij & Archicapellani recognoui. Data prid. Ka. Iulij anno Dominicæ Incarnationis MLVI. Indictione IX. Anno autem Domni Heinrici Tertij Regis, Secundi Imperatoris ordinationis XXVIII. Regni vero XVIII Imperij X. Actum Treuiris in Domino feliciter, Amen.



25.

*Henrici III. Imperatoris Datum in Botuelt, Anno
MLVI.*


IN nomine sanctæ & indiuiduæ Trinitatis. Henricus diuinâ fauente Clementiâ Romanorum Imperator Augustus. Si locis diuino cultui mancipatis alicuius honoris & augmentationis sublimitum præbuerimus, diuinitus nobis remunerari procul dubio credimus. Quapropter omnium Sanctæ Dei Ecclesiæ fidelium præsentium ac futurorum solers comperiat sagacitas, quomodo nos ob remedium animæ nostræ & parentum nostrorum, nec non per interuentum carissimæ contestalis nostræ, scilicet Agnetis Imperatricis Augustæ, nostrique filij dilectissimi Henrici Quarti Regis, Theodorico Reuerendo Abbati de Sancto Maximino, suisque Successoribus largiti sumus, concessimus ac perdonauimus, Ius, potestatem, securamque licentiam mercatum & monetam construendi, faciendi ac per omnes semper hebdomadas in feriâ quintâ tenendi, tali legitime stabilitatis ordine, vt idem Abbas tam ipse, quam & sui Successores in sua liberali potestate teneat, regat & perpetualiter habeat idem mercatum cum monetâ, teloneo, ac totius publicæ rei functione & dispositione in quadam villa Billiche dicta ad Sanctum Maximinum pertinente, in pago quoque Moselgawi & in Comitatu Bertoldi Comitis sita; Proinde volumus & Imperialiter edicimus, vt omnes homines præsentis, futuriq; prædictum mercatum visitantes cum omni pace illuc eant, redeant, compareant, & quidquid illis placuerit, sicut in alijs publicis mercatis vendant, nostrâ, omniumque nostrorum succedentium contradictione remota. Quicumque autem huius nostræ autoritati concessionis & potestatiq; perdonationis contradictor & violator in aliqua re extiterit, sciat se componere nostrum banum, ita sicut ille, qui mercato Moguntia, Colonia & Treuiris contracto & contaminato damnatus fuerit. Et vt hæc nostra Imperialis donatio stabilis permaneat, hanc paginam inde conscriptam manu propria corroborantes sigillare præcepimus.

Signum Domini Henrici Tertij Regis inuictissimi Secundi Romanorum Imperatoris Augusti. Winitherius Cancellarius Vice Luithboldi Archi-

Ff

can-

cancellarij & Archiepiscopi recognoui. Data XVII Kl. Octobr. Anno Dominicæ Incarnationis Millesimo quinquagesimo sexto, Indictione nona, anno autem Domini Henrici Tertij Regis, Secundi Imperatoris ordinationis vicesimo octauo, Regni verò decimo octauo, Imperij decimo. Actum Botuelt in Dei nomine feliciter. Amen.



26.

Henrici IV. Imperatoris Datum Treuiris, Anno MLXV.

IN nomine sanctæ & indiuiduæ Trinitatis. Henricus diuinâ fauente clementiâ Rex. Quoniam Regalis antecessorum nostrorum prouidentia & sollicitudo in construendis, constructisque stabiliendis Dei Ecclesijs piè iugiter inuigilauit: Idcirco benignissimâ Christi miseratione, in cuius manu Regum corda vel lura consistunt, regni illorum diuturnitas pacificata viguit & effloruit. Vnde nos piè salubriterque de nostri regni statu tractantes, deuotamque illorum sollicitudinem imitari cupientes, priuilegia antecessorum nostrorum Regum siue Imperatorum Cænobio Sancti Maximini, qui in suburbio Treuororum requiescit, concessa vel attributa, ob interuentum dilectissimi nobis Adelberti Hammaburiensis Archiepiscopi, nec non & Annonis Colonienfis Archiepiscopi, & Eberardi Treuororum Archiepiscopi, Ellenhardi quoque Frisingensis Episcopi, & Theodorici Virdunensis Episcopi, aliorumque fidelium nostrorum, scilicet Gerardi Ducis, & Godefridi Ducis, & Ottonis Marchionis, nostrâ etiam autoritate roborare decreuimus, vt & antecessorum nostrorum beneuola pietas non (à nobis neglecta) debilitetur, & Monachorum inibi Deo seruientium tranquillitas ab aliqua subintroducenda persona non inquietetur. Ea siquidem ratione, vt idem Cænobium, vbi prænotatus Sanctus Pontifex requiescit, cui Venerandus Abbas Theodoricus nunc præesse videtur, sic ut sub Antecessorum nostrorum, sic sub nostro quoque iure, Mundiburdio ac defensione consistat, nec alicui sedi aut Ecclesiæ, excepto nostræ Regali potestati, successorumque nostrorum, famulum, aut appendix, vel beneficiarium subiaceat. Concedimus etiam eis liberum arbitrium inter se eligendi Abbatem tali honore dignum, & ad id officium idoneum, vt eò securius ab eis diuinum impleatur ministerium, summeque propensius Maiestatis pro nobis implorent auxilium. Insuper etiam concedimus, vt idem Abbas, sibi que commissa congregatio, eorumque successores potestatem habeant Aduocatas Monasterij sui, cui velint dandi, cuique velint, tollendi; & vt nulla cuiuslibet iudicariæ dignitatis persona in eurtibus eorum placitum habere præsumat. Teloneum à nauibus eorum nullus exigat, familiaque eorum bannum & fredas nulli nisi

Abba-